

BOSNA I HERCEGOVINA
FEDERACIJA BOSNE I HERCEGOVINE
KANTON SREDIŠNJA BOSNA / SREDNJOBOSANSKI KANTON
TRAVNIK

MINISTARSTVO OBRAZOVANJA,
ZNANOSTI, MLADIH, KULTURE I ŠPORTA

MINISTARSTVO OBRAZOVANJA,
NAUKE, MLADIH, KULTURE I SPORTA



CENTRAL BOSNIA CANTON
MINISTRY OF EDUCATION,
SCIENCE, YOUTH, CULTURE AND SPORT

Travnik, Stanična 43., Tel./faks.: 030/511-214, 030/518-675, www.mozks-ksb.ba, e-mail: minobsbk@bih.net.ba, mozks@sbk-ksb.gov.ba

Broj: 03-34-999/2025-7
Travnik, 12. 12. 2025. godine

Na osnovu odredbi članka 36. Zakona o visokom obrazovanju Kantona Središnja Bosna/Srednjobosanskog kantona („Službene novine KSB/KSB“, broj 4/13), članka 43.stav (1) točka a) i članka 45. Pravilnika o akreditaciji visokoškolskih ustanova i studijskih programa prvog i drugog ciklusa studija („Službene novine KSB/SBK“ broj 5/25)(u daljnjem tekstu Pravilnik), te po zahtjevu Univerziteta u Travniku, i Preporuci Agencije za razvoj visokog obrazovanja i osiguranje kvaliteta Bosne i Hercegovine (u daljnjem tekstu Agencija HEA) broj 05-33-1-424-6/25 od 02.12.2025.godine, ministar Ministarstva obrazovanja, znanosti, mladih, kulture i športa Kantona Središnja Bosna d o n o s i

R J E Š E N J E
O INSTITUCIONALNOJ AKREDITACIJI / REAKREDITACIJI
VISOKOŠKOLSKE USTANOVE UNIVERZITET U TRAVNIKU

I
Visokoškolskoj ustanovi Univerzitet u Travniku, sa sjedištem u Travniku, u čijem su sastavu organizacione jedinice, odnosno fakulteti: Fakultet za menadžment i poslovnu ekonomiju, Pravni fakultet, Edukacijski fakultet, Fakultet za tehničke studije i Farmaceutsko-zdravstveni fakultet,

d o d j e l j u j e se institucionalna akreditacija, odnosno reakreditacija.

II
Institucionalna akreditacija/reakreditacija dodjeljuje se na period od pet (5) godina, počev od dana isteka prethodne akreditacije, odnosno **od 26.01.2026.godine** (Rješenje broj 03-38-195/19-2 od 26.01.2021.) **do 26.01.2031.godine**.

III
Obvezuje se Univerzitet u Travniku da najkasnije šest (6) mjeseci prije isteka roka iz točke II ovog rješenja, podnese zahtjev za obnavljanje akreditacije, odnosno reakreditaciju.

IV
Rješenje Ministarstva je konačno i stupa na snagu danom donošenja.

V
Univerzitet u Travniku je dužan na Proračun Kantona uplatiti administrativnu taksu u iznosu od 50,00 KM.

Obrazloženje

Postupak akreditacije proveden je na osnovu zahtjeva visokoškolske ustanove Univerzitet u Travniku broj 450/25. od 21.7.2025.godine a zaprimljen u Ministarstvu 23.7.2025.godine, pod brojem 03-34-999/25.

Ministarstvo je 5.8.2025.godine u skladu sa odredbama članka 20. Pravilnika, utvrdilo kompletnost zahtjeva i legitimnost, te dana 22.8.2025. godine zahtjev Univerziteta u Travniku sa ocjenom kompletnosti i legitimnosti shodno članku 24. Pravilnika, sa svim propisanim priložima iz članka 19. Pravilnika, te prijedlogom za imenovanje članova Povjerenstva stručnjaka, dostavilo Agenciji HEA na daljnju proceduru.

Povjerenstvo domaćih i međunarodnih stručnjaka koji obavljaju eksternu evaluaciju, odnosno reviziju kvaliteta, daju ocjenu ispunjenosti kriterija, preporuke unaprjeđenja i mišljenje

o ishodu akreditacije, Rješenjem broj 05-33-1-424-3/25 od 17.9.2025.godine imenovala je Agencija HEA, i primjerak dostavila Ministarstvu.

Stručno povjerenstvo imenovano od strane Agencije HEA, izvršilo je eksternu, odnosno vanjsku evaluaciju posjetom Univerzitetu u Travniku u periodu od 23.10.do 24.10.2025.godine.

Rukovodeći se Odlukom o normama kojima se određuju minimalni standardi u području visokog obrazovanja u Bosni i Hercegovini („Službeni glasnik BiH“ broj 100/11 i 26/19) i Odlukom o kriterijima za akreditaciju visokoškolskih ustanova („Službeni glasnik BiH“ broj 96/16), kriteriji za akreditaciju ocijenjeni su ocjenama:

1. Politika osiguranja kvaliteta – potpuno ispunjen, 2. Izrada i odobravanje programa – znatno ispunjen, 3. Učenje, podučavanje i vrednovanje usmjereni na studenta – potpuno ispunjen, 4. Upis i napredovanje studenata, priznavanje i certificiranje – potpuno ispunjen, 5. Nastavno osoblje – potpuno ispunjen, 6. Resursi za učenje i podrška studentima – potpuno ispunjen, 7. Upravljanje informacijama- znatno ispunjen, 8. Informiranje javnosti – znatno ispunjen, 9. Kontinuirano praćenje i periodična revizija programa – potpuno ispunjen, 10. Periodično vanjsko osiguranje kvaliteta – potpuno ispunjen.

Prema navedenom, Univerzitet u Travniku je ispunio uvjet iz članka 43. stav (1) tačka a) Pravilnika za dobivanje akreditacije na pet godina zbog činjenice da su svi kriteriji ocijenjeni kao potpuno ili znatno ispunjeni.

Shodno važećim odredbama članka 31. Pravilnika, Stručno povjerenstvo dostavilo je finalno izvješće sa ocjenama kriterija i mišljenje o ishodu akreditacije Ministarstvu dana 17.10.2025.godine, a Ministarstvo, shodno stavu (2) navedenog članka, istog dana Agenciji HEA sa zahtjevom za izdavanje preporuke o akreditaciji.

Agencija HEA je temeljem Izvješća i Mišljenja Povjerenstva stručnjaka, donijela i dostavila Ministarstvu Preporuku broj 05-33-1-424-6/25 od 02.12.2025. godine o akreditaciji Univerziteta u Travniku u kojoj se navodi da Ministarstvo izda rješenje o akreditaciji visokoškolske ustanove Univerzitet u Travniku sa rokom važenja od pet (5) godina.

Temeljem Izvješća i Mišljenja Povjerenstva stručnjaka za akreditaciju, te Preporuke Agencije HEA, Ministarstvo je ocijenilo da su ispunjeni svi propisani uvjeti za dodjeljivanje institucionalne akreditacije, odnosno reakreditacije visokoškolskoj ustanovi Univerzitet u Travniku, sa sjedištem u Travniku, na period od pet (5) godina.

Radi kontinuiteta i izbjegavanja preklapanja, period, odnosno početak perioda ove institucionalne akreditacije vezuje se za kraj prethodne akreditacije shodno tom rješenju.

Kao akreditirana visokoškolska ustanova, a shodno odredbama članka 50. i 51. Pravilnika, Univerzitet je dužan tri mjeseca nakon prijema Rješenja, odnosno početka perioda akreditacije izraditi na propisanom obrascu Akcioni plan provedbe Preporuka iz Izvješća Povjerenstva stručnjaka, a jednom godišnje Izvještaj o napretku, odnosno aktivnostima na realizaciji Akcionog plana, i iste dostaviti Ministarstvu i objaviti na svojoj internetskoj stranici.

Administrativna taksa u iznosu od 50,00 KM plaća se na temelju odredbi Zakona o kantonalnim administrativnim taksama („Službene novine KSB/SBK“ broj 11/03-prečišćeni tekst, 1/04,5/12,11/15), Tarifni broj 48.

Na osnovu izloženog, riješeno je kao u dispozitivu Rješenja.

Pouka o pravnom lijeku:

Ovo rješenje, u skladu sa odredbama članka 48. Pravilnika je konačno i protiv njega nije dopuštena žalba. Protiv konačnog rješenja može se pokrenuti upravni spor pred nadležnim sudom u roku od 30 dana od dana prijema rješenja.



MINISTAR

Bojan Domić

Dostavljeno:

- Univerzitet u Travniku
- Agencija HEA
- Odjel obrazovanja i arhiva